



Broj: 05-04-20-189-11/26
Maglaj, 31.03.2026. godine

Na osnovu čl. 69. stav (2) tačka d) i 70. Zakona o javnim nabavkama („Službeni glasnik BiH“, br. 39/14, 59/22 i 50/24), člana 24. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), u postupku javne nabavke „Sanacija dijela Ulice Ibrišima Obralića u Starom Gradu“, Općinski načelnik donosi

O D L U K U

o poništenju postupka javne nabavke

I

Poništava se postupak javne nabavke „Sanacija dijela Ulice Ibrišima Obralića u Starom Gradu“, otvoreni postupak, objavljen na portalu javnih nabavki, obavještenje o nabavci broj 1140-1-3-19-3-19/26 od 02.02.2026. godine, iz razloga što su svi kvalifikovani ponuđači odustali od zaključenja ugovora.

II

Ova odluka ima se objaviti na internetskoj stranici Općine Maglaj, u skladu sa članom 70. stav (6) Zakona o javnim nabavkama.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka stupa na snagu danom donošenja.

O b r a z l o ž e n j e

Odlukom o pokretanju postupka, broj 05-04-20-189/26 od 28.01.2026. godine, pokrenut je postupak javne nabavke „Sanacija dijela Ulice Ibrišima Obralića u Starom Gradu“, putem otvorenog postupka. Predmetna javna je objavljena na portalu javnih nabavki, Obavještenje o nabavci broj 1140-1-3-19-3-19/26 od 02.02.2026. godine. Sažetak obavještenja o nabavci objavljen je u „Službenom glasniku BiH“, broj 9/26.

Nakon provedene zakonom propisane procedure prijema, otvaranja i evaluacije ponuda, utvrđeno je da su u predmetnom postupku zaprimljene dvije prihvatljive ponude, ponuđača „Hajdić“ d.o.o. Maglaj i „Geo-put“ d.o.o. Maglaj. Odlukom o izboru broj 05-04-20-189-9/26 od 06.03.2026. godine, predmetni ugovor je dodijeljen ponuđaču „Hajdić“ d.o.o. Maglaj, koji je ocijenjen najpovoljnijim prema kriteriju za dodjelu ugovora u predmetnom postupku. Nakon što imenovani ponuđač nije blagovremeno dostavio dokumentaciju koju je bio

obavezan dostaviti kao izabrani ponuđač, donesena je Odluka o dodjeli ugovora drugorangiranom ponuđaču, broj 05-04-20-189-10/26 od 23.03.2026. godine, kojom je predmetni ugovor dodijeljen ponuđaču "Geo-put" d.o.o. Maglaj, u skladu sa članom 72. stav (3) tačka a) Zakona o javnim nabavkama. Međutim, ni ovaj ponuđač nije, u roku koji je utvrđen ovom odlukom, dostavio dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, čime je i on *de facto* odustao od zaključenja ugovora.

S obzirom da u postupku nije preostala više nijedna prihvatljiva ponuda, ugovorni organ se morao opredijeliti za poništenje predmetnog postupka nabavke.

Imajući u vidu navedeno, a postupajući u skladu sa odredbom člana 69. stav (2) tačka d) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke ne može se izjaviti žalba.

DOSTAVLJENO:

1. Služba za urbanizam, geodetske i imovinsko-pravne poslove
2. Web stranica
3. a/a



OPĆINSKI NAČELNIK

Maid Suljaković